



蒹葭什引

今讀周詩列國之風者謂婦人女子皆能
爲詩相與咏歌各言其情婦孺而能詩即
今亦有之奚恠是經采風者成言以獻於
天子故其言彌近其旨彌遠凡能言者必
自近易于近者必非知言也
則姬公爲之其義深遠矣近
趨而第取率易於是元淺白

而詩法遂亾封若稱詩清真澹宕有川雲
嶺月之姿蕭疎自然得魚泳鳥飛之致同
社中分題刻燭得句成篇封若其最捷者
李青蓮稱小謝清發頗近之先輩屠儀部
以前有豐考功先生常以喝韻限韻成詩
揮毫風駛若成誦在心借書于手時輩稱
其才見諸刻者不盡其妙頗謂之喪羊于
易乃遊虎跑見石刻中一律云子規啼過

海棠開多少英雄盡草萊宋室可憐無社
稷西湖依舊有樓臺山從伍子祠前斷潮
向嚴陵灘上迴試問山雲與山鳥爲誰飛
去又飛來清真閒遠雜之唐律中不復能
辨吾於封若亦云封若生平嗜古耽詩季
少翩翩志輕軒冕有高人之致卽其於詩
可知蓋其從三百篇楚騷漢風下逮六朝
而沿及于開元大曆諷詠涵濡故品與詩

俱勝時人百倍，柳子厚云：養其根而俟其
寔，加其膏而晞其光，封若即治公車業，才
自兼劬，吾黨固當並勗之，因刻其得意之
作，自目曰兼葭什，志遠也。霜降水澄，蒼葭
長阻，一似其詩，亦以見李氏之世其家學。
庶有開于將來。

天啓丙寅上秋之望

社弟莊學會仲肩甫篋

兼葭什

丙寅

甬上李桐封若著



元夕同亞卿大兄集莊明府山堂漫
賦

春風開綺席，夜雨散華堂。不逐行歌侶，叨
陪坐客觴。瑤卮殊燦爛，火樹復輝煌。促膝
三爲衆，清言坐可忘。惠連情自切，北海誼
偏長。徑竹疎呈韻，山梅冷薦香。燭昏勞稚

子謫細叶檀郎醉後顏微暈更深樂未央
數齊金谷酒勝比石淙莊慷慨傷時事躑
躑戀故鄉名公俱酒德小子俠詩狂莫遣
身名累還求姓氏芳

寄何無咎先生二首

聞君雅志愛清真嘯咏林丘斷俗塵書可
換鵝來羽士松經棲鶴似僊人百籤緗帙
爲知己四海金蘭摠德隣見說明州多勝

槩相期湖曲釣織鱗

海內知名數十年閉關楊子只耽玄生兒
早上公車牘避世能探宛委篇消取雄心
對白墮憑將清興繪蒼煙雖然踪跡成高
寄門外時停問字船

贈馬僧摩七言排律十二韻

久懷玄度未能忘清夢時時到異方華蓋
孕靈鍾哲士雁山標勝拾奚囊佩携白璧

真堪賞劍老青萍莫滂藏盡道珠璣能滿
腹不知文字實撐腸負才夙擬翀霄漢任
俠還能典驪驪每恨塵途無淨業頓從初
地理空王經翻貝葉虛宵月藏檢蓮花忘
曉霜滿徑雲林消呈碍環居巖壑恣徜徉
逢僧竹下揮麈塵對客尊前臥麝香清逸
似同孫伯翳精修可比費長房知君自是
能天隱愧我猶然號木強捉筆題詩聊寄

贈好尋謝氏舊西堂

贈吳炳甫

炳甫與孝則稱舊游

當季徐穉舊交游闊別常論往事幽旅館
譚詩千嶂夕扁舟度曲五湖秋叵羅自愜
高人致不律元同志士謀我亦本來多逸
調相逢拚典黑貂裘

香雪洞天詩四首爲郭張虛別駕賦
雪滿寒林香滿衣洞中樂事未應稀影橫

沼沚堪臨賦夢入羅浮也坐依玉骨不須
誇潔白水姿若爲逞芳菲雖然何遜多詩
興遮莫題詩報李頎

試問江南幾樹花何如香谷散天葩踈踈
長有雲煙護疊疊誰將屏幃遮素影參差
分皎月寒光依約妬頰霞當杯薄醉宜春
酒恍與孤山共一家

衆芳零落此偏開白雪無香也遜梅世外
佳人應得似洞中仙子不須推塵情未必
輕消受天意曾爲費剪裁聞說陽春寡同
調謔謔下里自通媒

坐入梅花興不窮此身如入廣寒宮眼前
色相從教掃陌上紅塵那得通不必蹇驢
追鄭綮還疑鶴氅是王恭爲言占得芳枝
在香雪千秋搃未融

題畫似惟振第

酒滿匏尊水滿湖
疎松清影拂菰蒲
輕舸獨放斜陽外
吟到山光入有無

訊茅孝若太學三首

孔李交情夙已脩
每嫌僻處在明州
菰園詞賦恒手把
茗水山川入夢游
知君譽重河東鳳
顧我心憐海上鷗
何似平原驩十日
共聯聲氣屬千秋

才子高名起大家
雲霄有路莫言賒
五車已擅胸中富
十賚還將世外誇
欲度關門瞻紫氣
暫從勾漏覓丹砂
分明誤入塵凡境
計日天衢跨白驪

卑栖遐想御龍門
野性依然戀故園
濁世方高公子誼
塵埃誰識布衣尊
也知吾道憑羔雉
且向詞壇奉橐鞬
記得坡仙詩句好
豈甘破屋侶鳶蹲

簡朱士朴士脩兄弟三首末句兼爲

索畫

渴思聯世講不獨慰神交顧我詩稱癖聞
君書可巢山川成莽蕩品格見澄清豈必
翔千仞方能振九苞

昔時李明遠偏得友朱昂契誼非無自睽
違敢頓忘寄將非白雪相勗在青箱吾黨
心期處他人或未當

君家大江上靈秀獨鍾竒
遶屋桃千樹當門水一陂
詩能追杜甫畫可匹王維
乘興兼揮灑將無慰我癡

贈何大將軍

建牙海上鎮孤城坐閱烽煙遠嶂清
沙靖秋麾雲鳥陣波恬夜息斗刁聲
嚴霜鼓角聞初斷明月歌鐘出漸輕
况有文章鳴寓內藉君長此答昇平

訪林若撫桃花渡有詩見貽和會

萌舍綠江盡土垣客途隨意寄輜軒負才
夙擬鍾山岳放筆曾驚倒峽源勿以調高
矜避俗祇將心遠托逃喧到來莫逆因相
視况復初聆衛玠言

若撫橋梓過長松館小集各賦六言

律二首

新霽喜過遠客清宵偶聚羣英綢繆獨憑
尊酒欣暢無藉竝笙眼前鷄肋薄味世上

蝸角浮名幾輩未能退足我曹邨得櫻情

其二

坐來已非世諦看去誰復塵情鶴和動關
父子鶯鳴還求友生敢惜取嘲凡鳥且教
拚飲長鯨相期陽春鼓調宜先月旦操評

咏杏花

春色借花明茲花覺有情後梅應作弟先
李合呼兄帶月容微膩籠烟影乍橫含疑

經宿酒開似怯新晴艷質曾饒句幽人數
舉觥阮姬添鬢好董奉見林成帝死瓊爲
宴儒壇孔擅名薄寒緘恨遠清馥與驩并
對鏡紅粧合掀簾粉頰呈分流名因實著
封樹表臣誠用馬鬣寶子弱柳怕嫌態天
桃若避榮會令雙燕至飛掠疊霞輕

同林若撫諸公斐園賞玉蘭得風來

二韻

名飲三春共芳園一徑通席當花影外人
在鳥聲中命酒歡初愜論詩興不窮暗香
搖曳處玉樹迥含風

相陪竹林燕共賞木蘭開閭闔人初到江
州種舊來自慙非李賀君得似鄒枚熟耳
香名久頻逢進綠醅

宿柴樓田父家用韻題壁

玉几春來作浪遊便携輕棹訪柴樓翠屏

遶戶天無夜飛鏡當空月有秋農務怯從
田父話人煙不與市廛侔渭川千畝歸籬
落試問何如萬戶侯

過躍如齋中因爲止宿

同谷環青嶂孤村帶白烟繫舟成信宿策
杖徧林泉齋鉢元超俗香燈不離禪最憐
幽絕處譚對竟忘眠

局外

且須娛少壯非敢忘榮枯量窄偏耽酒囊
空復貯書自維甘落莫誰不借吹噓局外
能高枕夷猶得宴如

李公起席上賞海棠同若撫

蜀國移來舊有香西園把酒對芬芳恰同
公子才華麗湯擬天孫雲錦張零雨乍沾
旖旎態和風低扇淺深粧東吳有客風流
甚燒燭還能舉十觴

可園賞海棠送若撫還吳

解維西指恨蒼茫且向尊前賦海棠嫩染
胭脂翻冶色輕敷錦繡歛幽香楊家妃子
饒濃睡號國夫人祗淡粧對此不嫌十日
飲可堪離思縮踈楊

薄暮登城望桃李園偕孝則世調二

丈

連宵風雨妬花開遂乏幽人踏看來朝旭

已知堪領畧晚霞今始共徘徊烟中漸出
參差影水底輕翻灑瀨堆明發相期復登
眺蔬盤于此覆深杯

惜雨中牡丹倚叔父木翁韻

名花亦似愛紛奢錦幃由來數石家爲惜
嬌姿逢爛雨頻將霽色卜明霞憑闌無計
祛屏翳鼓瑟從思倩女螭二十四番風漸
邇可堪寂莫老韶華

花前張燈命酌共限七陽韻

紛紛紅紫競青陽
開到花王迥不常
僊豔爲宜遮縠帽
天姿本自稱霞裳
燈張翠幄容偏麗
風度筠簾語亦香
曲罷玉樓人別去
還承膏露漱餘芳

南郭泛舟同揚明舅氏孝則社長叔
父子述翁盤桓柳亭網魚充饌抵江
臯而返入城復散步新堤玩月湖寺

因各賦詩紀事得二十四韻

忽漫憶晴川
壺漿共扣舷
綠厓榆柳映刺
水稻苗聯城郭環
江景浮屠插海天
青山排列亂白鳥去
翩翹矚目微茫遠
停橈蒼藹邊
步移隨杖屨
徑轉復林泉
荒塚鳧鷖集
茅庵棟宇偏
僧能烹雀舌
佛允供龍涎
幢綉三花樹
燈涵九品蓮
磬聲飄曠野
梵唄徹重玄
吊古逢今日
追時感昔季
披榛

猶探討遠竹更留連理棹輕仍泛垂綸漸
及前投刃驚見鯉縮項每思鯿下箸無兼
味擎卮第小鮮落霞千嶂躡片月兩湖懸
喬木兼盤曲新堤甚蜿蜒拂衣衝宿鷺翹
首得飛鳶酒渴茶頻澆吟餘笑復媯斷橋
沉鷓影古刹接人烟興劇難言別途脩竟
勉旋亦知春盡酒恰似夜歸船行樂真偶
爾興悲卽宛然相期銷永夏散髮弄潺湲

輓七十一叔子敏翁三首

自許龐公隱何期原憲貧榻穿羈病體屋
破老賢人繪像丰神合遺編手澤真憑棺
聊灑淚哀思不堪陳

吾宗胡不造大雅漸凋零鸞鏡悲分析鶴
原恨杳冥松扉辭芰製蒿里苑芻霧回首
瞻丹旒斜陽黯黯青

鄉邑元推重詞壇夙有聲杜門恒得句對

客雅飛觥老去安家食貧來借舌耕若添
高士傳堪並郭延卿

答蔡貞復奉川見懷之作步來韻

蕭齋寂寞獨哦松感慨論心莫與同世路
迤邐難慊意物情叵測不由衷閉門祗合
傾歡伯結社無從得遠公竹色梧陰淨池
影憶君多在月明中

酬洛伽僧惠茶

東海從來不乏茶朱溪五井兼桃花太白
足擅諸山勝如乳如針推洛伽山僧製此
良不易筭裹磁封深着意渴吻曾滋苦口
師煩襟瀕滌清風使偶將諸品羅窻前撥
火斟泉手自煎松風澗水聲初徹蟬翼龍
團味總妍鬪茶自是孫樵癖劉縞至今傳
水厄吾家鼻祖李栖筠常將僧供留嘉客
鴻漸論茶具九難玉川開槭見月團古來

佳事垂千載山川異產分般般兩浙首先
推日鑄香林白雲盡茶數卻憶東吳瑞草
魁遂因杜牧聲名布誰知仙骨產海隅吐
雪堆雲品既殊個中自足清冷味不羨當
年龍鳳模噫嘻吁不羨當季龍鳳模何必
提筐挈籠趨東吳

贈汪無際孝廉二律

才華早擅埒相如漢室今應薦子虛咳唾
乍驚霏玉屑文章共見映璠璣壯心已遂
搏風翮雅志能窺緝柳書我本滄江蕭散
士登音真足慰離居

忽傳畫舫駐江津接踵頻來我輩人眼底
青螺沿野徑屋邊紅袖匝城闈高吟適意
濡班管名飲隨時膾玉鱗結伴登臨還有
約肯教姑負綺羅春

江上逢方伯諫遂送還閩中

當季閩越締交盟

先大父與詡庵公有舊

喜遇聞孫

駐鄖城六月炎蒸纔聚首三江迢遞又臨
行弢藏穀腹珠璣富開拓芝眉冰玉清把
酌分携重搔首天涯相隔莫忘情

陳元明府枉駕可園賦呈二首

狹徑恒羅雀高軒載款扉草蔬知簡畧茅
屋頓光輝旋馬心初洽登龍譽却非且須
停翠幘相與郇羅衣

雅慕逃名早非闕屬望遲清言聊笑口時
事共攢眉風月頻行酒笙歌足料詩論文
予不忝深夜興孜孜

偕汪無際禮阿育王舍利塔

沙女羅雙樹護空王膜拜時通鼻觀香共覩
靈珠呈異相敢言慧眼發明光幡幢輝映
千花座窳堵莊嚴七寶粧清磬數聲塵土
別碧天吹下晚風涼

贈陳龍鳴孝廉

譽重文章伯先時已盛傳欣陪習家讌竊
桑李膺賢接壤徵隣德同心即比肩自瀕
蠅附驥還共孝廉船

悼寶妹氏

妹氏能讀書寫字且有香
癖回翁降乩曾錫以碧藕

之號年及

笄而卒

宛矣蓮花質依然碧藕絲昇仙悲此日謫
世幾多時不羨標梅咏能抄織錦詩都梁

滿粧匣遺恨灑嚴慈

和潘藻生瘞鶴四首

茗溪潘藻生丈
秦鶴於雪堂之

前調習十載餘矣一旦羽化瘞之林
間復以哀詩流播海內率爾和謔兼
致神
往云

遠自青田至相傳丹使來翩躩霜羽潔依
傍雪堂開瀛海歸何得華亭喚可哀陰游
與胎化茫蕩使人猜

戀主心方切冲天志更違芝田無飲啄苔

徑失翻飛羽族誰宗長仙人第髦衣慙慙
悲蕙帳清影絕崑扉

九臯恒獨嘽清徹動遼城仙侶終難作鷄
羣轉自驚疑從陶氏吊倏共子喬笙瘦骨
應湏斲銘餘孤塚成

入夢形初異棲松篁獨遲方能馴野性誰
道沒竒姿別鶴何人操乘軒往事竒悲來
不復論翻憶上昇時

苦熱

天炎能爍石地赤正揚沙交睫多蠅集蓬
頭咤蝨肥倦猶揮筆筒渴止藉茶瓜何處
涼風足蓮池坐日針

光弼侄索咏脂邊白蓮漫賦一律兼
代孝則世調索飲

藕花分玉井高下滿盆池白羽搖清影殊
唇語綠漪涼生宵露滴香透曉風吹共有

碧筒想能無繕後期

楚中李孝嬪割股救姑詩以美之

搯臂呼兒事不羣救姑割肉少前聞一腔
焚血堪盟日千古高情已徹雲孝道幾人
垂簡冊貞心况復屬釵裙自憐怙恃仙遊
早涕泗空令黯夕曛

倚韻荅陳法瞻

分野居爲限延交性所偏刻途同傾蓋齊

士雅談天寄意元非酒崇操豈在絃君心
正相照况復月當葍

和鹽官吟社分題五首限五言選詩

余敏公不畝園社集賦得草徑入荒
園得元字

芳春正明媚景物萃籥樊綢繆構蘭友雅
社于焉散清塵旣溢目淥醕兼盈尊靡迤
曲徑入萋萋瑤草繁眷言懷夙契遠道思

王孫竹樹被雲出洞壑杳靄存爲語同遊
人何如桃花源招隱俯叢桂忘憂對紫萱
竟日得驩宴卜夜還攀援酌答握嘉藻體
格符開元矢志屬龜勉千秋永勿諼

觀濤

我輩湖海衿闊達少凝滯命志控八埏游
目渺四際遵塗偶江界携手共款睇始洽
汪汪陂旋駛滔滔勢銀山擁若排雪浪奔

相噬河伯爲揚靈海若同振袂亦或錢鏐
兮射却潮頭逝亦或伍胥濤洶湧無寧歲
感繫憐此情徘徊遡詳細目擊江河艱舟
楫同誰濟擊卮發長嘆吾心獲遐契

夏日登池上樓賦得園柳變鳴禽

青陽快娛遊朱明復登頓所貴憫世心隨
時且幽遯翼翼池上樓垂垂樓前蔓長條
會滿千細縷同吹萬時更物共遷氣煖行

如券忽驚嫵婉聲勿復從前嫩世道樂清
寧人生藉康健及此聚交知衷心更何悶
鳴鳥狎雙雙遊魚聯寸寸俯仰溢玄機風
塵豈能溷

北山晚霽

茲山遠綿巨界立東西隅峯巒互重複磴
道還盤紆青林自蒙翳烟雲恍披圖中有
隱淪者甕牖掩桑樞靜默坐多雨四顧方

躊躇所欣嵇阮流夙稱高陽徒舊雨託深
誼新晴愜歡娛霞錦散叢薄倒影煥寰區
撫之發竒趣洵焉醉清醑良會匪易邁題
詩屬奚奴

人日逢春至尋梅社集

開歲饒勝情逐日欣領畧况復屆人朝春
來恰如約堦萸七葉新梅花額中落剪綵
取賦詩春盤供杯酌東風初破臘南枝及

標格結伴履郊垆游人正紛錯緣今証昔
時古來興不薄和靖獨歸山何遜恒登閣
載咏劉敞詩人日無春作念此同一揆逢
時且行樂不觀沉溺徒聲利終身縛今節
雖逝遷塵襟罔開拓爛鑑良在茲而堪流
輩若

答余敏公雨中見懷步來韻

閉門味澹獨藜蒿心境常涵莊叟濠萬里
懷人情自切三餘開卷坐偏牢婁其易動
離居感聲氣能牽夢寐勞松舍香高操綠
綺颯聽流水間秋濤

寄答郭張虛二首兼致邇况

定山孤映浙東頭不盡江濤此駐流遂有
名賢鍾間氣特將餘緒佐微猷鏡機會相
方臯馬干遇曾嘲甯戚牛獨向騷壇建旗
鼓更傳高義到滄洲

自惜蓬窓滯壯齡
螢囊雪案意難寧
閉閣勉爾臨書譜
對客驩然頌酒經
好道未逢三尺棗
違時莫致五侯鯖
塵埃物色誰分曉
遙憶君家雙眼青

雨泛

進艇泛西郊
頗洽幽尋興
蘆荻倒寒塘
雨深埋小徑

睡起

睡起支頤坐
屏間覽舊題
濕雲封戶牖
時見篆烟低

七夕同孝則小酌

復喜良宵值
開襟坐晚庭
杯啣河漢影
座對女牛星
巧向天孫乞
槎從漢使經
填橋今古望
烏鵲共含霽

和世調七夕見懷

時久雨初霽

天遣曝書晨
晴光照眼新
但餘袁紹飲
何

計阮咸貧問月含情遠吟風憶爾頻獨憐
瓜菓在寂寞共誰陳

秋海棠五絕

微雨花開的的涼風葉弄娟娟莫憶美人
腸斷却教我輩詩仙

殷紅釀成秋色嫩綠翻動波光滂詫少陵
希咏淵材猶恨無香

幽艷蜂媒欲至凄清蛩砌與隣携燈夜來

相照酣睡何如太真

端伯呼爲名友禹偁譜作神仙秋卉自堪
獨擅春紅况與同妍

麗質不輸西府柔姿故學垂絲爲爾倚欄
對酒清秋幾度題詩

短歌送孝則之雷州

古徐聞地

愛君才華如古人胸藏八斗猶席珍美君
志節非今人家無擔石恒嶙峋以茲來往

風塵內磊落未許流輩親桐也激烈佩高
義目營當世誰爲陳第將蘭臭敦深契共
有鷗情訂遠盟兩人因依分不薄抗高城
景還行樂搔首時唵謝眺詩停杯雅憶青
蓮作春水浮空盡鷁舟夜雨連床青藜閣
一時膠漆不足論千古雷陳會相若忽焉
揮手之徐聞徐聞名勝如因君試看浩蕩
羅湖月猶可蘇家平等分丈夫踪跡誰能
定到處探竒便擔甃石門峭立任低回螺
崗况復遠綿亘每處畱題每處思顧我不
獲同追隨械來逐句堪欣賞縱使親臨莫
過之今朝且盡分携酒別恨離情亦何有
蟻行鵲起各因時我輩心期在不朽寄言
跼蹐一隅人似此遨遊夢見否

懷朱子玄却寄

懷哉朱子玄把臂脩三季溫厚人如玉春

容筆似椽文章壇坫在詩酒棹歌偏遐憶
西湖上澄秋弄紫煙

蟋蟀

蟋蟀知時節逢秋鼓翼鳴草間聲尚澁砌
下語尤明羈客情逾劇閨人淚暗生無營
聊靜聽悽惻對寒檠

贈周我重

初字介生

寓內文豪卓有聲會令樗散想高情開尊

未竟粲花論握管能同剪水名顧我僻居
滄海曲憶君遙隔白門城六朝舊跡須探
歷欲向周顛締遠盟

中秋湖上同萬象王賦

湖上清光恰勝遊玉虹雙影跨中洲朱樓
客聚謠聲起畫舸人踈燈影流曲岸蘆花
藏宿雁中天桂魄浸浮鷗坐看碧落渾無
際直接烟波寫素秋

度阿育王嶺

以後六首小庄觀獲作

款款入招提籃輿與樹齊路經紅葉斲山
抱白雲低鈴鐸宜人靜丹青使塔迷未能
聊假息暗想昔留題

宿馮二叔大礮新居

落日掩松筠投閒向所親到門喧急水買
宅接芳隣地僻人初至情殷酒數巡近來
深慰藉令子日堪珍

自黃土嶺至鍾嶺

問程三度嶺隔水兩拏舟樵徑行多碍輿
人喘未休曠觀俱沃野絕頂見浮漚誰謂
山多虎居民不解愁

古廟

中有先君題額

廟貌枕流泉經過暫息肩石墻蘿並古水
碓礫俱圓昔已威靈著今猶奉祀虔椽題
看舊蹟嘉譽共綿綿

海鷗莊二首

田廬方稅駕門境領斜陽舊秫醅初熟新
秔飯有香脫巾還鼓腹收稼卽輸糧有事
同無事閒眠覺日長

習靜觀生理機忘鷗可盟炙鷄來近局沽
酒酌深更野獸時爲患山肴莫辨名且湏
酪酏醉相與慶秋成

謝屠仲椒惠頰桐

多君手自惠頰桐栽徧岩巒綠樹中佩德
不殊錦繡重開花想見珊瑚紅旣令培植
防霜露應有芬菲谷化工金谷已銷芳訊
歇也教蓬華醉煦風

登施季鷹元戎清風閣

高閣崔巍遠市廛紆迴小徑並花邊縹緲
滿積藏書架絲竹遙聞載酒船王粲漫勞
誇覆局伯牙元不浪調絃北窓誰是羲皇

契入室清風故宛然

全隱之執友見貽詩箋和荅

當年先子抱深衷遂握如蘭臭味通壇坫
聿崇遵共主樽罍潦倒雅知翁聯吟幾泛
澄湖月絮酒難禁宰木風生死交情凝隔
世忽驚佳句破孤蒙

孝則歸自雷州貞復歸自剡曲表聖
歸自苕溪孔若歸自薊北不佞歸自

雲間時已逼歲相過劇談每至竟日
詩以紀之

歲宴各歸家相逢便日斜但餘心似水不
顧事如麻笑傲朋儕舊風塵道路賒稊須
林木下聚首伴寒鴉

包岩麥丈招賞水仙抱病不赴賦謝
遠憶江東客孤開臘月筵投醪元夙念餌
藥竟孤眠不第人如玉難兼花是仙非闕

矜獨醒良悟悵無緣

晤王董甫廷評于放生社

董甫諱應
遶山陰人

忽報蘭亭系初停鑑水橈鷗盟雖浹恰鷺
序正參寥乍可僧寮息欣從蓮社招譚言
非世諦鄙吝覺潜消

同貞復象王從城上步至湖南坐西
來上人齋閣

落日共躋攀孤城歲暮間乾坤誰夢覺日

月自忙閒對客聊辭冗尋僧一叩關論詩
坐高閣幽勝抵深山

白雪吟和余敏公八咏

有序

夫玉雨閨風摠僊都之樂事冰清
玉潤屬吾黨之冲襟惟異采蘊心
故竒花生筆微之鬪險高人品格
猶存永叔限題名士風流詎易敢
云踵前喆之遺躅聊自作東家之

捧心期結契于歲寒漫賡歌夫郢
調向有紀興今復贅言無關黃竹
之詞也

聽雪

夜來雪意已漫江瑟瑟塵塵灑竹窻聲碎
似和冰共嚼音清若與水俱淙隨風作陣
侵書幌帶雨飛花散佛幢不信越州風景
異只看狂走吠寒厖

眺雪

醉倚高樓面面看玉屏森列不禁寒飄來
柳絮欣能積粘向梅標未肯殘不費剪裁
花萬樹頓生鈎勒竹千竿謝家當日閒評
騷畱與騷人快筆端

蹋雪

雪餘何處可尚羊蹋向隣家索酒嘗潔比
王恭差得似貧如東郭亦何妨漫愁滑處

無筇倚誰惜堆邊爲屐傷白屋不知誰氏
子埋頭入夜嗣孫康

烹雪

密坐紅爐下布帷更儲甘雪試槍旗鬪竒
限得蘇公韻禁體旋唸歐子詩煎處鶴應
烟外避啜餘驢可與中騎要知此種閒風
味那得驕言問党姬

棹雪

天寒斗室擁貂裘忽憶空郊縱遠眸授簡
何辭梁苑賦放舟且學剡溪遊白鷗點去
無顏色綠蟻斟來任拍浮把釣尚餘簞笠
在載訶三白泛滄洲

晴雪

快雪時晴有所思閒臨墨妙得羲之小窻
晶潔明新楮別墅森踈瑩故枝結向茆簷
爭雀子映來旭日似鷺兒寒威較昨翻清

徹坐入冰壺舉玉卮

掃雪

連朝滕六攪芳魂自起開門領日暄掃徑
急延雲外客呼童蚤赴酒家村鹽車未得
先時過麪市還將此日論琪樹瓊花吟未
倦更燒銀燭坐黃昏

殘雪

雪水新添雪景稀山陰水曲地猶肥非關
玉馬融來易攄是金烏照處微石改舊容
還抱璞松晞新髮乍勝衣試看微月生寒
影髣髴凌波步洛妃

蒹葭什終





